

續修四庫全書

《續修四庫全書》編纂委員會編

續修四庫全書

上海古籍出版社

後漢書疏證

〔清〕沈欽韓撰

據清光緒二十六年浙江官書
局刻本影印原書版框高
一七四毫米寬二七四毫米

二七一・史部・正史類

後漢書疏證三十卷

〔清〕沈欽韓撰

228/01

後漢書疏證三十卷

光緒二十六年十月
浙江官書局刊

後漢書疏證卷一

吳 沈欽韓撰

列傳

齊武王 竇自稱柱天都部

按李竇爲柱天將軍李通亦號柱國大將軍後魏爾朱榮遂踵其名爲天柱大將軍宇文泰因設八柱國後代遂爲勳官蓋伯升超於楚地楚有柱國官取其義爾都部猶都統宋將兵者因號都部署
留輜重於藍鄉

明史志鄧州新野縣東有故藍鄉

後漢書疏證卷一

南渡黃淮水

水經注赭水參差流結兩湖有東陂西陂之名二湖流注合爲黃水逕棘陽縣之黃渚聚又謂之黃渚水一統志赭水自裕州西南流經唐縣西爲黃水

臨泚水

按南陽郡比陽縣應劭曰比水所出縣從水得名則泚當爲泚作泚者誤東海王彊女泚陽公主書中亦皆誤作泚呂覽處方篇齊合章子將與荆人夾泚水而軍泚亦訛泚卽此水也明統志比水源出南陽唐縣大胡山山在泌陽縣境一名東北七十里馬仁陂乃聚澤也既田萬頃按水經注比水右會馬仁陂水水出無陰縣北山則

水非馬 一統志泚水亦名泌水源出泌陽縣東六十里
仁陂 之銅山西南流逕縣南又逕唐縣西北曰唐河又經新
野縣東入清水按明志大壺山泚水所出銅山泚水出
焉其說異者考水道提綱泌河有兩源南源出泌陽東
與確山縣西界之銅山西流數十里北源出縣東北之
大胡山西流泌陽縣城南志家偏舉其一故有大胡山
銅山之異其流則一也

至宜秋

明志古宜秋聚在南陽府桐柏縣西一統志在唐縣東
南

後漢書疏證卷一

畫伯升像於塾旦起射之

按塾鄉亭所治處也吏民投最故畫其象使人人得射
之食貨志里胥坐右塾隣長坐左塾周官里宰疏漢時
在街置室檢彈一里之民即此塾也他書作埽者非
為天下準的

文子上德篇質的張而矢射集

張印拔劍擊地

東觀記馬武王匡以為王莽未滅不如且稱王張印拔
劍擊地曰稱天公尚可稱天子何為不可於是諸將軍
起

試守平陰令

潛夫論三式篇列侯年世以來宜皆試補長史墨綬以
上關內侯補黃綬唐會要郡王出關皆補州別駕為
淄郡王官 若嗣王初試官府參軍 冊府元龜六十貞元
王府諮議參軍 嗣王初試官府參軍 冊府元龜六十貞元
臣等議以子淑官卑不合給特詔令給 此傳章由齊
王試令其濫觴也

利侯剛

通志利城在青州府博興縣東南四十里

太姬宗

西京制諸侯王母皆稱太后東京制損於前則宜稱太

後漢書疏證卷一

三

如傳中皆作太姬宋書后妃傳廢帝即位上陳太妃尊

號曰皇太妃改諸國太妃曰太妃 如音 集韻姬或作妃

姐盈之切韻作怡者是也北齊書恩倖傳穆提婆母令

萱號曰太姬則南北朝皆有太姬之稱唐宋遂別為儀

字王建宮詞云太儀前日煖房來李燾續通鑑長編一

十明道元年十月加贈鎮王元儼母昭媛王氏為太儀

即太姬也

徙丹陽

按丹陽有三漢諸侯王以罪廢徙或房陵或丹陽此楚
之丹陽也 楚丹陽亦有二一為熊繹始封之丹陽在秭
歸一為楚徙都之丹陽在枝江水經注可證

注以爲潤州江寧者非新唐志至德二載別置昇州以

江寧縣屬

甫刑三千莫大不孝

呂氏孝行覽商書曰刑三百罪莫重於不孝

北海端 字嫺都

袁紀作歸都

幼時進趣之行也

燕策蘇代曰今臣爲進取者仁義者自完之道非進取之術也進趣義同

令作草書尺牘

後漢書書志卷十

四〇

張懷瓘書斷章草者漢黃門令史游所作也衛恒李邕並云漢初有草法不知其誰王愔云漢元帝時史游作急就章解散隸體兼書之漢俗簡情漸以行之此乃存字之梗概損隸之規矩縱任奔逸赴速急就因草創之義謂之草書北海王融此開創草書之先也至建初中杜度善草見稱於章帝詔使草書上奏魏文帝亦令劉廣通草書上事蓋因章奏後世謂之章草

注 臨邑縣屬東海

漢志屬東郡此誤舊唐志臨邑縣屬齊州注云濟州亦誤舊志臨邑故城在今濟南府臨邑縣北三十五里

樹鄉侯

一統志廢樹縣在萊州府濰縣東

晉立七年

何焯校本本作十七年錢大昭補表亦從宋初元年數

至延光二年爲十七年

駒駘自造賦頌書論四篇

文選注引劉駒駘郡太守箴

趙王 良傳十三年降爲趙公

按史于傳失載復爵爲王事光武紀十三年降趙齊魯三國王爲公十九年進趙齊魯三國公爲王始降王爲

後漢書書志卷十

五

公者方革更始所封王故趙齊魯隨降復皇子從公進王故並復也

南陽程堅

御覽四百一十一魏略曰程堅字謀甫南陽人居貧以磨鏡給

養母喪哀號慟下有馬每聞堅哭輒淚出暫輟鋤草然魏略傳其人疑非此程堅也又四百二十五典略曰程

堅仁孝清潔不受人施諸嫗與漂更相呼食或不食者相謂曰汝非程謀甫何爲不食人食

建安十八年徙封博陵王

魏志建安十八年以冀州十郡封曹操爲魏公趙國在

封內故徙封

以爲崇德侯

即魏志所稱名號侯也裴松之曰今之虛封蓋自此始
城陽徙封南陽之白水鄉

水經注漢元帝以長沙卑濕割蔡陽之白水上唐二鄉
爲舂陵縣靈宇記故城在今隨州棗陽縣東

敬族兄安眾侯劉崇

按王子侯表康侯丹子節侯山拊子繆侯母妨子釐侯
襄子侯歟子侯崇崇子敬爲族子非族兄

又不得官爲吏

後漢書肅宗

官當作宦

泗水
王欽堂谿侯

一統志堂谿城在汝寧府西平縣西北百里

邱侯

一統志邱縣故城在襄陽府宜城縣東北

曲陽侯

一統志曲陽故城在海州西南寰宇記在朐山縣西南

一百十里

更封茂爲穰侯

按記云以茂爲單父侯熊方補表云從單父更封穰侯

當是

宜春侯

一統志宜春故城今袁州府宜春縣治

安成侯
安成侯

一統志安成故城在汝寧府汝陽縣東南

嵩爲白牛侯

水經注湍水逕穰縣故城北又東過白牛邑南建武中
封劉嵩爲侯國鄧州志今爲白牛店在鄧州東北三十

里

成武侯
侯順成武侯

後漢書肅宗

一統志成武縣在曹州府東南一百里

使擊破六安賊

注六安卽廬州也胡三省曰賢以唐之廬州爲漢之廬

江郡可也若漢之六安實在唐之壽州界劉昫地理志

漢六安國故城在縣南此爲可據按桓譚傳注亦云六

安在壽州安豐縣南而此乖異者良以諸人分撰學有

優劣不通加檢勘耳

端氏侯

沁水縣志端氏縣卽三家遷晉君處在縣東四十五里
其北三十五里則漢時縣治也

甘里侯

寰宇記故甘城漢為縣漢志廢城在潁川潁上縣西北

縣志潁水經明時置甘城驛於此章懷注訛潁州為潁

川錢大昭補表遂以續漢志潁潁川郡無潁上縣亦愚

矣

順陽侯

一統志順陽故城在南陽府浙川縣東

李通

東觀記宛大姓李伯玉從弟軼則通字伯玉也

注 謂驅使小官

後漢書疏證卷一

本

按從事如唐大使所辟賓僚判官以下至支使是也

使官則行僮幹及節度使之別奏僚人是也章懷注混

而一之非是隋百官志梁制今僕御史中丞各給威儀

十人六典諸司署亭長主守掌倉庫及廳事鋪設皆為

番上下通謂之番官唐中葉授官踰濫故驅使官或假

官至四五品然清濁迥除祗備曹司及州府差遣耳如

表疏上會要三十驅使官有正官許服細葛布紋綾充

禮慶等五衫袍驅使官未有正官許粗葛布及官絕等充衫襖銅

鐵帶其品服如此

注 李通同母弟申徒臣

東觀記作公孫臣

注半雷佩刀

淮南精神訓注雷鐔也青州謂之鐔有刃也按鐔是金

之岐頭者然此云半雷佩刀蓋象之俗謂三尖兩刃刀

者是也

備言其計

東觀記諸李遂與南陽府掾史張順等連謀

封固始侯

水經注潁建武二年司空李通又募叔敖受邑故光武

以嘉之更名固始

後漢書疏證卷一

九

捕虜將軍王霸

按捕虜是馬武霸傳為討虜將軍

西城

一統志西城故城在興安州西北

注 順陽屬南郡

按當云南陽郡

其夏引拜為大司空

按傳文是六年帝紀通為大司空在七年五月

素有消疾

按消中非瘠首也素問陰陽別論胃中熱盛津液枯涸

水穀卽消謂之曰消又脈要精微論胃病風成爲寒熱痺爲消中金匱要略厥陰之爲病消渴說文酸瘠頭痛鍼經有厥頭痛眞頭痛卽瘠首也

召陵侯

藝文類聚引東觀記作新市侯一統志召陵故城在許州府卽城縣東三十五里

注 謝承書安眾侯劉崇

陳景雲曰崇當作寵據前表安眾侯崇居攝元年舉兵爲王莽所滅建武二年以崇從父弟寵紹封蓋崇死於莽未篡漢之先安得身佐中興乎此必傳寫之訛按元

後漢書疏證卷一

十

四〇三

豐九域志鄧州南陽縣有安眾鎮方輿紀要安眾城在南陽府西南二十里

論注 負離次之典

楚策雞次一作離次吳師道曰是時典守者皆離其局故負其典以逃又歷山作磨山

王常 傳 舞陽人

一統志舞陽故城在南陽府泌陽縣西北紀要云縣北十里

藍口

一統志藍口聚在荊門州北方輿紀要藍水城在安陸

府西南本編縣之藍口聚宋僞立運芍縣西魏改爲藍水

入萇谿劫略鍾龍開

寰宇記石龍山在安州應山縣東北二十五里今德安府應山縣又三鍾山在隨州隨縣東五十里山有石狀如覆鍾方輿紀要或曰萇谿亦在隨州北今埋

戰於上唐

水經注小潁水東北逕上唐縣故城南本蔡陽之上唐縣也方輿紀要唐城在德安府隨州西北八十五里春秋時唐侯國漢爲上唐鄉晉置潁西縣梁置下潁戍於

後漢書疏證卷一

卷一

此唐分東陽地置唐城縣今爲唐城鎮

封山桑侯

寰宇記亳州蒙城縣唐天寶元年改山桑曰蒙城山桑城在今縣北三十七里今屬潁川府

注 漢官儀曰御史大夫

大夫當云中丞

朝那

一統志朝那故城平涼府西北後魏末移置於今靈臺界而此城廢

徙封石城侯

注以爲沔陽之石城水經注沔水又南逕石城因山爲
固晉太傅羊祜鎮荊州立晉書羊祜吳石城守去襄陽
七百餘里祜以詭計令吳罷守石城以西盡爲晉有則
石城僅始於是時非漢所封也方輿紀要石城在安陸
陸府鍾祥縣西北
大昭補表云此石城漢丹陽縣也一統志石城故城在
池州貴池縣西縣志在縣西七十里地名鐵店亦曰蒼
埠潭以東西兩石山夾河如城而名
鄧晨傳 注 房子今趙州縣
舊唐志天寶元年改爲臨城一統志房子故城在趙州
高邑縣西南縣志俗呼其地曰倉房村
後漢書疏證卷一 圭 川 116
注 吳房今豫州縣也
舊唐志寶應元年改爲蔡州元和十二年討吳元濟平
改吳房爲遂平縣
僕竟辯之
此僕字卽光武自稱辯當作辨說文辨判也徐鉉於力
部又添爲辨者非
來歙傳 光武祖姑
祖姑上當有從字蓋父之從父姊妹也以下云陛下之
外兄知非歸孫之祖姑東觀記皇考女弟子來歙爲征
羌侯有明文

自將上隴
東觀記上詔曰桃花水出船盤皆至郁夷陳倉分部而
進按船盤當是轉般之訛
五谿先零諸種
一統志五谿聚在鞏昌府隴西縣東
汝南之當鄉縣
按文多一縣字前志無當鄉縣水經注潁水篇征羌縣
故召陵縣之安陵鄉安陵亭也歙以征定西羌功故更
名征羌也當鄉安陵鄉所傳異耳
麻氏傳 犯士禁
後漢書疏證卷一 圭 川 117
論衡調時篇世俗起土興功歲月有所食所食之城必
有死者歲則太歲也
經說年未滿十五過惡不在其身
公羊昭二十三年傳尹氏立王子朝休解義同
注 符節今秩百石
按文當云六百石
鄧再傳 何欲爲
劉攽謂當云欲何爲按上光武云盍欲仕乎此何欲正
對上欲仕語也爲字助辭不如劉所說
樂陽

一統志樂陽故城在真定府獲鹿縣東北後漢省廣阿

寰宇記趙州昭慶縣本漢廣阿縣明志趙州隆平縣有大陸澤亦曰廣阿隆平縣志廣阿故城在今縣東三十里俗呼舊城村

滿陽

滿乃蒲之誤一統志蒲陽山在保定府完縣西北章帝改曲逆曰蒲陰故城在完縣東南

抗威將軍劉均

袁宏記作抗威王

後漢書疏證卷十

酉

箕關

一統志箕關在懷慶府濟源縣西王屋山南

大陽

一統志大陽故城在解州平陸縣東北十五里大陽渡在縣南二里

注 今蒲州桑泉縣東南

舊唐志乾元三年改蒲州爲河中府桑泉天寶十三年改爲臨晉元和志故解城在縣東南十八里

汾陰河

一統志汾陰故城在蒲州府榮河縣北寰宇記黃河自北九里

絳州河津縣流入榮河縣西南流經臨晉縣西榮河縣志河舊在縣西五里明時漸徙而東正德二年遂至城下去縣僅七十步

夏陽

一統志同州韓城縣東至山西榮河縣界十五里韓城縣志夏陽故城在縣南二十里芝川鎮北其地曰西少梁里

北至栒邑

寰宇記邠州三水縣東北二十五里邠邑原上有郇邑故城卽漢理所按今不改

後漢書疏證卷十

壬

司徒克也

王應麟曰以司徒比堯必非代言者所敢道

歸至大要

一統志大要故城在慶陽府寧州東南

就穀雲陽

一統志雲陽故城在邠州涇化縣西北

軍士飢餓者皆食棗菜

東觀記無者字棗作葉

吾折捶笞之

過秦論執拊捶以鞭笞天下

岑自敗於東陽遂與秦豐合四年春復寇順陽聞遣禹護復漢將軍鄧睦輔漢將軍于匡擊破岑於鄧追至武當復破之岑奔漢中

按延岑始據漢中降更始復反爲劉嘉李寶所破入武關據藍田復爲馮異所敗遂走南陽又爲耿弇所敗走東陽又爲朱祐祭遵等所破至此禹復破之五年遂與田戎俱降公孫述考岑始末由關西至關東與秦豐合兵轉在漢東又田戎降蜀泝江而上岑之降路亦必出於此不得復奔漢中也當云奔蜀中一統志東陽城在鄧州東州志蓋卽今之穰東鎮武當方輿紀要鄧城在

後漢書疏證卷一

夫

襄陽府東北二十里武當城今襄陽府均州治

高密昌安夷安渚子

一統志高密故城在萊州府高密縣西南夷安故城今

高密縣治昌安縣故城今青州府安邱縣治渚子故城

在安邱縣東北括地志東北三十里通志昌安城在安邱縣西南

十里

各使守一藝

袁宏紀各命通一經莊子天地篇多男子而授之職

永平元年薨

袁宏紀和熹皇后與叔父邵及諸兄語問祖父禹爲布

衣佐命時事邵說功成之後閉門自守事寡姊盡禮敬訓子孫有法遵光武皇帝憂悲哀吐血因發病薨后未嘗不歎息流涕言立德之苦乃至於斯也

注 其次侍祠候其次下士

其次侍祠候當有在大天下四字衍其次下士亦誤據

續志可見下士或當作下士連下小國侯讀

皆稱中大人

岳珂程史神宗朝王襄敏韶幼子宗觀燈失所旬日有中大人下宜旨抱案出車按此蓋引用後漢語宋時未必有此稱

後漢書疏證卷一

七

訓注 寒疝病發

金匱要略腹滿惡寒邪正相搏卽爲寒疝繞臍若發則

白津出手足厥冷

從都慮至羊腸倉

都慮蓋中都慮廐二縣屬太原郡方輿紀要慮廐城在

代州五臺縣治東北滹沱河在縣西南三十五里羊腸

坂在岢嵐州嵐縣東明統志羊腸山在太原府交城縣

東北一百里郡國志萬根行石磴縈委若羊腸後漢於

此立羊腸倉隋書崔暕傳從駕登太行山詔問曠曰何處有羊腸坂曠對曰臣按漢書地理志上黨襄陽縣有羊腸坂帝曰不是又答曰臣按皇甫士安撰地書云太原北九十里有羊腸坂帝曰是也因謂牛

弘曰崔祖濟問一知二

欲誅赤沙為桓

疑是赤山為桓傳言烏桓死者神靈歸赤山祭彤傳作赤山烏桓明此誤

首施兩端

施讀如施易之施史記集解萬石張叔傳如瀉曰施讀曰移

招誘迷唐伯父號迷吾

按西羌傳號吾即迷吾弟此處多一迷字又非伯父

掩擊迷唐於寫谷 注 東觀記寫作雁

顧炎武郡國利病書西寧衛下云雁谷在故臨羌縣西

後漢書地理志卷十

本

西漢鄧訓掩擊羌迷唐處明志作寫谷

乃去大小榆

水經注河水自西海郡東逕允州而歷大榆小榆谷北

羌迷唐鍾存所居也行都司志榆谷在金城西二百里

按在西寧府西南邊外

發湟中六千人

一統志湟河番名波洛冲克河在西寧邊外西北青海

之東源出噶爾藏嶺入西寧西川邊內為西寧河又東

南三百餘里至莊浪衛降唐堡入大通河即浩魯水在涼州府平番

縣西一百二十里自大通衛折流湟中城在西寧邊外入東南經西大通堡又南合湟河

西北胡三省曰夾湟兩岸之地通謂之湟中

惺

東觀記惺字叔昭延平之初以國新遭大憂故惺兄弟率常在中供養兩宮比上疏自陳愚闇糞朽幸得遭值明盛兄弟充列顯位並侍帷幄無拾遺一言之助以補萬分而入在禁省日月益長罪責日深惟陛下哀憐

弘

北堂書鈔東觀記曰弘字叔紀和熹后兄也奴辭繫長壽亭弘見亭長賞錢五千勵之曰健直當然又殿本東觀記曰異日奴復與宮中衛士忿爭衛士箠奴弘聞又

後漢書地理志卷一

充

與衛士五千弘奴恤故舊無所失父所厚同郡郎中王臨年老貧乏弘常居業給足乞與衣裘與馬施之終竟

閭

初學記東觀記曰閭字季昭遷黃門侍郎於時國家每有災異水旱閭側身暴露憂懼憔悴形顏於色公卿以下咸高尚焉漢興以來為外戚儀表又北堂書鈔東觀記曰閭拜侍中入侍左右忠言善謀先納聖善匡輔之言朝夕獻納雖得於上身在親近不敢自恃兢兢之心彌篤固也按劉駒駘等於鄧后時著作東觀故陶之兄弟皆得美傳觀其虛辭知非實錄

傳上蔡侯

一統志上蔡故城在汝寧府上蔡縣西寰宇記在今縣

西南十里

葉侯

一統志葉縣故城在南陽府葉縣南縣志舊縣廢在縣

南三十里

西平侯

舊統志西平故城在汝寧府西平縣西北四十五里

西華侯

一統志西華故城在陳州府西華縣南隋改縣於潁水

後漢書疏證卷一

三

北長平縣界

冬徵陽班師

黃伯思東觀餘論近歲關右人發地得古璽中有東漢

時竹簡永初二年討羌符與范紀書永初元年夏羌叛

遣陽討之二年冬始召還而陽傳云云冬召陽班師据

紀討羌在元年夏召陽在二年冬漢簡亦有二年之文

正與紀合而傳之元年召還班師者誤也按此傳乃脫

二年字於冬上耳

時遭元二之災

章懷注云元二卽元元也趙明誠金石錄曰楊孟文石

門碑漢成宗建初二年立其文有曰中遭元二橋梁斷

絕若讀爲元元則不成文理疑當時自有此語漢注未

必然也洪适隸釋曰按漢刻如北海相景君及李翊夫

人碑之類凡重文皆以小二字贅與下此碑有然二明

二蕩二世勤二亦不再出一字然非若元二遂書爲

大二字也又孔忱碑云遭元二輒輟人民相食若作元

元則下文不應又言人民渙注之非明矣王充論衡云

須頌今上嗣位元二之閒嘉德布流三年零陵生芝草

五本四年甘露降五縣並謂論衡所云元二者謂卽位

之元年二年則此傳所云元二亦謂元年二年也碑所

後漢書疏證卷一

三

云西戎虐殘橋梁斷絕正是鄧騭出師時則史傳碑碣

皆與論衡合愚按論衡之元二則元年二年無疑矣然

爲陳忠傳云自帝卽位以後頻遭元二之厄百姓流亡

盜賊並起時在鄧后已崩之後不可謂永初之元年二

年也范史蓋有駁誤而洪氏之說實亦未盡章懷云或

說陽九百六者當近之陽九百六在入元畢憲曾曰元

二乃无妄之訛京房周易章句无妄大旱之卦萬物皆

死無所復望按如永傳亦云遭无妄之卦運

並宿幸其第

通典開元禮皇后奔父母之喪未卽還官諸國簿仗衛

及六宮以下應還者先還其留者與后依時哭臨

弘少治殿陽尚書

東觀記師事劉述常在師門布衣徒行誦讀孜孜不輟

白蓋雙騎

續志千石以上阜繒覆蓋三百石以阜布蓋二百石以

下白布蓋又騎吏千石以下至三百石縣長二人此白

蓋雙騎庶士之禮

珍爲陽安侯

按京子于夷安侯珍爲從祖不應同名袁宏紀又云封

京子寶爲安陽侯一統志陽安故城在汝寧府確山縣

後漢書疏證卷一

三

東

謀立平原王得

按平原懷王勝傳無子立樂安王寵子得爲平原王奉

勝後立六年薨永寧元年又立河間王開子都鄉侯翼

爲平原嗣安帝廢之河間孝王開傳亦云譜鄧陽及翼

則是太后在日得已前薨此處本文與注不追述太后

臨朝時意於考據疏

河南尹豹

北堂書鈔東觀記曰鄧豹字伯庠遷大匠工無虛張之

繕徒無飢寒之色御覽二百五李邵別傳曰豹爲將作

大匠河南尹缺豹欲得之上及臨兄弟亦欲用難便召

拜下詔令公卿舉薦以旨遣人諷公卿悉舉豹李邵曰

司隸河南尹當整頓京師檢御貴戚今反使親家爲之

必不可爲後法公舉司隸羊祜不舉豹豹竟不得尹恨

公卿不舉對士大夫曰李公能不舉我故不尹耶按文當云

今我終不得尹耶按此云河南尹豹則豹竟得之也

擢朱寵爲太尉

袁宏紀寵爲潁川太守每出行縣使文學祭酒佩經書

前驅頓止亭傳輒復教授周旋阡陌勸課農桑吏安其

教民愛其禮自爲宰相數抗直言藝文類聚謝承書朱

後漢書疏證卷一

三

寵爲太尉家貧食脫粟飯臥布被朝廷賜錦被梁肉皆

不敢當

寇恂上谷

一統志沮陽故城在宣化府懷來縣南漢上谷郡治括

地志上谷故城在懷戎縣東北百二十里漢沮陽縣也

拔起

注云拔猝也按廣雅撲猝也字當爲撲禮記少儀毋拔

來注拔疾也與此義同

漁陽

一統志漁陽故城在順天府密雲縣西南三十里

度鞏河攻溫

方輿紀要五社津在河南鞏縣北大河東過鞏北謂之鞏河有五社渡又名五度津溫故城在今懷慶府溫縣西南三十里黃河在縣南二十里自孟縣流入界與鞏縣接境

復拜潁川太守

東觀記郡大生旅豆同相收得一萬餘斛以給諸營

兩虎安得私鬪

秦策兩虎相鬪而驚犬受其弊商子戰法王兵之政使民怯於邑鬪而勇寇戰

後漢書疏證卷一

舌 川文十

從九卿復出以憂國可知也

御覽引釋名漢置十二卿執金吾大長秋將作大匠在其列韋昭辨之曰漢正卿九執金吾為外卿不見九卿之列也山堂考索後集按前書百官表太常至執金吾秩皆中二千石又毋將隆傳隆遷執金吾上詔曰隆位九卿無以匡朝廷之不逮則執金吾亦得通稱九卿也

浚侯

一統志浚縣故城在鳳陽府靈璧縣南五十里縣志今為濠城集

損扶柳侯

損水經注作揖徙封在建武十三年冀州志扶柳故城在州西南六十里俗訛為蒲笠城

榮質確其過

毛傳獄確也音義盧植云相質殼爭訟者也崔云塤者塤正義之字當為塤說文確礫石也非此義

廢於王命

於當為干

公劉敦行葦世稱其仁

按毛詩不言公劉惠棟曰漢儒皆以行葦為公劉之遺德及行葦之不傷王符云公劉厚德恩及草木羊牛六

後漢書疏證卷一

葦 川文十

按濟夫論邊讓云云公劉仁德廣趙睦云公劉慈仁畜被行葦惠所引者乃德化篇語行不履生草運車以避葦葦趙從薛漢受學當是韓詩也愚攷列女辯通傳弓人之妻亦云公劉之行羊牛踐葦葦惻然為民痛之則不獨韓詩說如是也勇者不逃死智者不重困

晉語二智不重困勇不逃死

馬異傳潁川父城人

父城故城在今汝州寶豐縣西北前志潁川有父城縣沛郡有城父縣續志山桑有下城父聚又左傳若大城城父而實太子焉杜預注今襄城城父縣即此注所云